




耐冷譚卷七

仁和宋咸熙小茗



海寧馬 錦古芸定

吾鄉桑水部發甫先生為塾師時來學者必先命

之讀經晨夕背誦如童蒙經既熟始授以作文

之法自遊五嶽歸書一聯懸其室曰六經讀罷

方持筆五嶽歸來不看山其贈五嶽詩侶歌云

天麟張聖書嘉興人尋異意所就射洪古軻駕兩驂夷

光簡鬢簪蒿簪映緯張經德海豐人膏鍍夫容鐔精光

耐冷譚卷七

夜夜衝斗南蹙縮紫海濺淵潭曾傳朱式曾歷城人破

鷲驚高談通眉睇髮往而參曾洗五斗吟聲酣

思謙俞秉淵海寧人仙思飄煙嵐庚星墮地為奇男穀

抱白集温研覃攀堯陸疎村海寧人德比孤竹堪三十

未婚老枯蟬照徹九幽雍琅函家濂朱性之錢塘人蓄

銳堅彌鑽左徒壁壘揮戈鏖魯山吏事詩肩擔

昂霄余召棠仁和人出語味醴醴勇敢當仁賁育慙雲

山韶濩中和涵菘馬揚初章邱人媿徂萊篤在三服勤

如子憂如惓三百本元天性探阿球夔石生小眠

書龕唐捐千金供狼貪營石縛楔心炯含霜曉

金鐘斷錯錯阿儻

軒

竹三垂戰藝慙皇天僵我園

客蠶爛紙之壽希彭聃十人者同遊與否不可

知讀先生詩知皆爲俊偉之器數十年來以文

章宿老作五嶽遊人者未之多見朱君之在錢

塘者號青泉余君號松島余尙及接其譚論也

諸城竇東臯師理學名臣推重當代不欲以詩名

歿後秦小峴侍郎輯其詩刻之厘及百篇然觀

其與侍郎論詩云詩之爲道淵源三百篇有賦

耐冷譚卷七

二

焉有比興焉近今之詩有賦無比興此詩所以

衰也唐人詩稱李杜太白歌行得楚騷之遺少

陵則原本變風變雅而得其所謂怨而不怒者

二公詩往往託物比興詞旨荒忽讀者莫測其

意之所在而詩於是爲極至焉是故作詩者必

其性情既厚植之以骨幹傳之以采色諧之以

律呂舍是言詩非詩也是先生真深於詩者也

西平道中云朔風吹陰雪送我趨南州散灑近

連旬冥濛望未休春融半成水活活縈道周不

辭行役艱。庶已滋田疇。憶昨詣行在。還陟太行陬。當時河北地。旱甚窮三秋。比復患漲溢。桑田生鱸鱸。感彼不能寐。耿若懷隱憂。茲行歷。頰汝喜。見麥隴。稠征夫。閱原隰。問俗勤咨諏。首路指淮浦。駕言阻且修。暮雲去不息。我思良悠悠。應山道中云。楚山秀無極。殘雪間諸嶺。積日苦陰翳。欣茲晨光炯。驅馬陟重坡。跼步未敢騁。青松分遠岡。目接心已領。乘高一以望。應盡西南境。予美不可見。緬惟江漢永。荆臺霾雲雨。惆悵憂心柄。荒淫有時進。非我素所秉。蒼茫問前途。書懷聊自省。師視學浙江。士心悅服。惟喜詆斥王文成。稍不滿之。然觀其過東林寺詩云。前修緬新建。乘時展康濟。壁上觀留題。蟠鬱蛟龍勢。尙論得吾師。匪直風雅繼。乃知先生顧衆矢。言特欲宣明正學。其于文成之功業文章。未嘗不心折也。

家參軍

允恭

號變堂。山西介休人。冬寒無裘。而性

極廉潔。由本郡經歷。司代理石門。一月之間。百

廢具舉。詩有真氣。摘錄其語之近道者數聯。如
鄉遠空思膾。官貧欲采薇。市近器能謝。身閒福
已多。樂飢甘草具。話舊感綈袍。不願逢人齊。說
好只求於理幸。無尤情耽風月閒。裁句捺凜冰
霜惡。餘非塵緣未了難。求佛俗務周知好。做官
事惟無喜方無事。吾不負丞豈負吾。誦其詩可
以想見其爲人。

石門吳秀才

蘭森

早歲能詩年甫逾冠。卽遊粵東。

長路無聊旅居多鬱。輒以詠歌發其羈愁。著有

耐冷譚卷七

四

紅蕉花館詩鈔。江樓秋望云。秋風吹我上江樓。
獨上江樓動客愁。望到行雲將斷處。飛鴻幾點
落汀洲。塞上曲云。烽火滿三關。征人戍未還。一
聲聽短笛。幾度望家山。帳壓邊雲黑。刀飛戰血
殷。誰能單騎入。數語讐諸蠻。閨怨云。春色一庭
老。捲簾對落花。生憎雙燕子。絮語傷窗紗。送客
云。送客老郵程。揮鞭一騎行。關山君獨往。離別
我傷情。葉落千峯出。天高一雁鳴。柴門怕重啟。
愁對暮雲平。秀才有弟寶森。亦能詩。惜早夭折。

石門馬紀南

國棠

于甲申春蠲粟一萬七百餘石。賑邑人之乏食者。自正月。至三月。活七萬餘人。蓋善人中之罕見者也。中丞帥公上其事于

朝。賜四品銜。金山姚蘓卿清華紀以詩云。太歲在癸未。一雨逮三月。時當夏秋交。田禾盡淹滅。漂溺跨數郡。徧地泥滑滑。嘉湖爲尤甚。水深沒過膝。斗米五百錢。炊煙漸漸歇。卒歲已大難。入春定不活。可憐十萬戶。駢死波濤窟。馬君英雄姿。許身比稷契。大啟新倉儲。一罄舊廩積。發

耐冷譚卷七

五

粟一萬石。賑飢六十日。蒼生氣稍蘇。戶戶感肉骨。君心猶欲然。恨不徧兩浙。人皆謂君愚。倉廩甘罄竭。我獨服君勇。志氣異凡質。下不顧子孫。中不謀家室。誓棄萬鍾粟。建此不刊烈。長官爭嘉賞。九重頒顯秩。嗟彼齷齪兒。眼孔細於蟻。喻利罔喻義。錐刀競逐末。鐘鳴漏盡時。猶計較屑屑。自謂億萬禩。永保可弗失。枯骨尙未朽。生計已漸絀。田園俄轉移。庭戶頓闕寂。誰無向善心。盛衰易改轍。視君天壤殊。不可相較絜。當其

舉念初。赴義如箭疾。人命苟可延。余哺不妨輟。
但得閭里存。敢惜甘旨缺。至于沒世稱。轉若輕
毫髮。君名曰國榮。伏波其先哲。結茅走馬岡。高
阜撐突兀。他年數義行。一指首先屈。

烏程鄭笏君

祖球

夢白觀察之兄。少負異才。年十

四五。諸經皆通。長益肆力於秦漢古大家文字。
登癸酉賢書。僕與夢白交。未識笏君。面屢欲訪。
之不果。而君已於己卯年死矣。歿後。夢白哀其
紅葉山房集刻之。詩甚美富。錄其咏史樂府效

耐冷譚卷七

六

西涯體者四篇。銷兵謠云。六經可焚。兵可棄。秦
王雖貴。無此治。祖龍獨創萬年計。家不藏甲。六
合同。金人長護咸陽宮。一世二世傳無窮。博浪
之椎。何處得天下。寧有未銷鐵。大索十日終恍
惚。君不見山東盜有數百人。非齊非晉還非荆。
鋤穰棘。矜能爲兵。穆生行云。穆生通詩兼易理。
履霜知有堅冰。至醴酒不來。我心醉楚人。鉗我
當早備。漢家賢王無再世。七國興兵亦同斃。熒
惑逆行天象異。鴻飛冥冥從此逝。申公說詩老

更迷蒲輪數數長安。馳明堂議禮不終日。可憶
赭衣當春時。程大人云。道路紛紛不識漢天子。
但識程大人。中郎之對。由風聞奮身劾奏。猶爲
君君不密。竟失臣。十常侍焰益薰。河南呂強迴
不羣。端居憂國心。如焚。奇寃能爲中郎伸。中郎
不死。強有力。強有奇寃。更誰雪。陰平道云。艾不
知兵。知蜀情。蜀人久厭刀槍。嗚良相遺法。悍吏
更陰平。從此無人行。皓也非張趙。禪也非桓靈。
胡爲一世二世。成都傾鳴乎。吳之亡。好用刑。蜀
之亡。好用兵。黷刑後。敗兵亟焚。維乎維乎。誰用
爾爲漢臣。

耐冷譚卷七

七

嘉興沈西雍

情

原名爾振。少有神童之目。時予監

理省城。敷文書院。執贄來謁。試以經義。應對如
流年。才十五耳。予喜甚。金壇段茂堂大令贈以
詩。有他年若數傳經者。門下應推第一人之句。

戴太守

廷沐

奇其才。妻以女。女名

小瓊

號墨華。

亦能詩。已巳七月之望。同內子郡齋坐。月聯句。
魏塘金文沙夫人爲之補圖。名流題咏甚多。其

原唱云月來皓雲際商聲喧素秋。西雍怯寒衣袂

薄咽露草蟲愁。墨華樹影踏疑碎怪禽啼更幽。西雍

夜闌吟不穩一葉打人頭。墨華共羨侂儷唱和之

樂云。

同年吳進士澗葦會賈詩文高妙表忠觀落成作

八庚全韻詩以此得名人因呼為吳八庚其題

顧彖厓讀畫齋詩東臯蠶月圖云紫山來葉市

開紫山去蠶市閉市開市閉暮春天合戶暖風

白日霽沿溪三兩野人家溪水橫流路曲斜笑

耐冷譚卷七

問紅蠶眠熟未籬頭已放做絲花南畝耕耘圖

云羣蛙聒春泥滑雙鳩鳴春日晴朝放一犁至

南畝野老來看春耕成春耕成春水生良苗得

長條風輕隴畔忽起呼牛聲頗似鐵厓新樂府

僕年過五十尚無嗣丙子秋副齋周竹厓司訓慨

借二百金始得買妾逾年舉一子咳名抱孫紀

以二絕云貸金深感故人恩五十生兒當抱孫

但願讀書留種子不求駟馬大吾門 大宗有

後吳蒼恩五十生兒望抱孫試看同官汪學博

含飴行樂在費門。

嘉興江秋涓學諭年五十後
五始得子今已抱孫矣

嫌體格卑弱。將此二詩削去。用盧玉川寄男抱孫韻。作右風一篇。存之彙中。而良友之義。不可

沒也。因復錄之。司訓名溼富陽人。

長白伊小尹先生守嘉興時。與先府君最善。唱

酬甚多。其和入府君見贈原韻云。借得幽居足

自怡。新詩一卷一明珠。悲秋本是君家賦。卻對

寒鐙詠荻蘆。才名久已推三絕。好句今還見

一斑。雪意滿天詩滿眼。便攜斗酒上青山。來

耐冷譚卷七

九

往吳山閱歲時。圖成片石自題詩。結鄰幸得聯

風雅。欲拂長箋乞和之。

時寓吳山片石居作
詩繪圖今將乞和

同譜情深意惘然。爲憐靈運早生天。披吟根觸

鶴原痛不見人琴。又四年。

五弟幔亭下世已四
年矣今贈詩瞻懷同

譜感詠及之
彌增淒惻

又題先府君詩集云。誦君詩句

豁塵蒙一卷。攜來冰雪同。真有蓮花生筆底。恰

當桂子落山中。明湖棹影雙峯月。禪榻茶香滿

院風。未得出城從載酒。門前鷗鷺暗相通。清圓

瀏亮。一往情深直入唐宋大家之室。

友人藏精一主人墨梅畫卷筆法絕如煮石山農頗有出塵之致後題一詩云隴頭芳樹絕塵埃偏向紛紛六出開白是幽姿甘冷澹不教蜂蝶逐香來欸書朱璇源有天潢一泓浦陽王章皇明帝胄等印蓋勝國藩王也查圖繪寶鑑無聲詩史俱失載恐久而就湮故錄之

無錫蔣醉峯

和

寫十三經拙老人之孫書法而外

兼擅墨竹乾隆間進呈賜主簿銜其自題畫

竹云年來何物貯胸中數畝將無太守同不計

耐冷譚卷七

十

平斜橫正直備嘗冰雪雨晴風虛心上荆榛遒勁節高懸天地空奮起孫枝頭角露依依常得伴而翁醉峯有自著竹譜早爲藝林取法矣破石郭夢蘇不事帖括專心吟咏竟成瘵疾詩筆清妙推重詞壇臨歿朗誦曰白頭老母紅顏婦都是前生未了緣年祇二十二無子其及山詩社遺稿當訪求之

揚州吳太史杜村愛畫成癖收藏甚富每年雪降之日以王摩詰劉松年盛子昭文衡山懌南田

五家雪圖並陳几上。右丞卷居正位。四卷分列左右。具衣冠拜之。有一時臥看五朝雪。頃刻論交千古人之句。一日微雪。海鹽吳思亭過訪。直入其室。太史急不及避。因得見相與大笑。思亭口占七絕贈之。云。位置尊卑稽首虔。五朝雪景聚千年。客來已見休驚避。試問何如拜石顛。

嘗于友人處見水墨山水橫幅。有大癡筆法。詩亦佳。跋語頗自誇負。歎署紅蟬老人。究不知是高僧。騎士錄之以俟博雅者考也。綠陰清晝夏初。

耐冷譚卷七

十一

天正好扶犁。斂口田驅犢。忽然過略約。蓑衣尚帶隔溪煙。跋云。有愛此畫者。能致粟足供八口家。半年之糧。勿問何如人易之。若鄙陋錢虜。寒酸俗子。勿與言。有能攜酒于佳山水處。邀竟日清談。作雋上語。或雄秀句。令鼓掌者。則竟貽之。不煩致粟也。

鮑丈淶飲年將八十。猶校勘前人著述。手不停披。所稟知不足齋叢書。流傳海外。詩不多作。其夕陽詩三十首。贈炙人口。今錄二首。已見一斑。誰

復揮戈似魯陽。放教容易上西墻。片時春夢無蹤跡。一霎秋山乍老蒼。隱隱笛聲牛背冷。匆匆鞭影馬蹄忙。何由更買長繩繫。暫曬相思鬢上霜。底事人間重晚晴。當樓殘照最關情。百年身世霜鴻影。萬里江山畫角聲。征馬雲邊驅轉急。歸舟天際望偏明。倚闌無限蒼涼意。費盡閒心寫得成。一時和者慈溪鄭弗人。三斜兼遠雁

沉沙尾。細點寒鴉過石頭。陽湖趙懷王。味辛絕

唱肯致孤雁。占春愁。惟許亂鴉知。右杭何春清

耐冷譚卷七

七

琪半嶺。又看橫暮紫。百年消得幾昏黃。俱可與

原作抗衡。

易安齋集六卷。震澤邱孫梧後同之所著也。其自

序云。於古人詩無所不好。所不好者。惟唐之沈

宋高岑。宋之西崑諸公。元之虞楊范揭。及吳淵

穎明之前後七子。及陳臥子而已。持論甚癖。然

觀其九齡時所作。如玉泉池云。泉清魚亦傲。園

右鶴能馴。龍井云。隔竹飛泉四五點。背花嘯鳥

兩三聲。出語已極俊異。惜其後墮入隨園一派。

不能直追正始。今錄其脈正理醇者兩篇。李孝

子云。李孝子母爲販婦。子賈豎。割股進其母。母

病脫然愈。人謂孝子不識字。何以純孝能若是。

我謂孝子幸而不識字。孝子生來但見母。未見

宋儒紛紛苛刻議。徐蘭舟夫婦爲母減算祈年

詩云。兒壽正長。母壽已促。益寡哀多。補母瘡兮。

剗子肉。一解藥餌不進。母氣如絲。仰天椎心。兒何

生爲。二解退謀諸婦曰。偕君皓首。各減六齡。夕隤

其命。保母壽。三解一疏籲彼蒼。一疏投城隍。兒猶

耐冷譚卷七

三

恚惶婦已扶母床。四解不當求孝婦。但當求孝子。

可感行路人。何況床第。五解功名厄君兮。成此純

孝。精誠迫君兮。豈敢望報。鬼神終福君兮。富貴

而壽考。六解

後同室人丁。筠字念慈。翠寒其號。亦能詩。坐月云。

一雨炎蒸退。言招女伴游。月涼如坐水樹古。欲

生秋鈴語。樓頭歇。螢光扇底流。聯吟忘夜短。不

覺換更籌。病中贈外云。六年與爾共悲歡。晨夕

相揩淚。眼乾君若哭。儂儂不曉莫。將閒淚灑闌

司里馬春匡師諱

廷梳

丙辰進士官江西會昌縣

歿後詩文散失僅記其贈先助教公三絕云

辛苦風塵兩載餘。攤書盡日對窗虛。棠梨晷影

分明在遙憶。先生國子廬。石友相睽各一天

羈人無奈別情牽。記曾宣武門前住。憐我紅塵

已幾年。劇憐春韭與秋菘。才子循陔想素風。

為問奚囊添幾卷。可從梅驛寄詩筒。

朱香初別駕

芬

才華富麗意氣慨慷。工右篆石刻。

耐冷譚卷七

十四

嘗從戎黔中游華山賦四支全韻詩阮宮保師

時為學使極為獎賞曰吾門有吳八庚今又有

朱四支矣人因以朱四支稱之其自題從戎圖

七律云。盛時未肯臥林泉。豪筆從戎路八千。

貝子旌旗申甲令。夜郎風雪冒丁年。離思怕折

陽關柳羽調。愁聞相府蓮。惟有丹青能縮地。江

山萬里暮雲連。圖係少峯所繪詩亦不落卑調。

近聞已歿于粵東未知能歸骨故里否。

蔣世珍維揚人順治初為連平牧有善政時嶺南

新定瘡痍未復。所在盜賊多有。公以軍騎諭賊。賊請降。城守將吳章與有隙。譖公與賊通。遂逮獄死。夫人劉氏聞變。遽投井。以救得免。章聞夫人色逼之。泣罵不從。遂自經死。死之時。面如生。鄙人聞者。咸流涕。因葬夫人于烏石垵之山麓。爲之樹碑。私謚曰正烈。迄今已百餘年。事將湮沒。嘉慶己卯。知州事陳鵬立石修墓。紀以詩云。烏石山頭雲霧歷。烏石垵邊朔風急。深林月黑鶴鷓呼。荒墳閃爍青燐集。豐碑突兀大書劉野

耐冷譚卷七

七

老翁觀淄泗流。爲言此地初平日。戢暴安良仗蔣侯。蔣侯蔣侯氣慨慷。英聲颯爽世無兩。萬里巖疆叱馭來。升卿不畏朝歌長。贛水遙連富水江。仙雲雙引碧油幢。夫人雅佐絃歌化。內助無慚婦職芳。春風融融花麗。潁州民共被雙星福。風鶴俄傳伏莽戎。波濤平地來偏速。單車築就受降城。可憐翻下鄒陽獄。深閨從此恨無邊。賀井來窺志已堅。齊后椎環甘解脫。相如睨壁又重完。妾身一死豈足惜。妾死夫寃。誰白但使

緹縈書可陳。何愁嬌覽頭。難得漆室鏡。昏夜雨。
秋。錚錚一命少。勾留鴉奴妄。肆鳩媒。誘誰料。奸
人意未休。女身皎皎若冰雪。女貞肯改凌香節。
誓死來登董卓車。臨終還奮常山舌。曉風吹斷
杜鵑聲。消息傳來痛滿城。其惜禮修身便死。更
驚先軫面如生。峩峩馬鬣青樹都士爭封三
尺墓。家乘飄零劔跡峯。松楸蕭瑟鳥山路。於今
百載已茫茫。連峴亭西骨尚香。貞操直貫三霄
日。怨氣還留六月霜。君不見昔日奸頑竟何在。
烈婦貞珉長不改。他日旌褒北闕來。焚香更
作曹娥誄。

耐冷譚卷七

去

廣西應山縣一百四十二歲壽民藍祥蒙 恩賞

給坊銀緞匹。復給以六品銜。並 御製詩篇

匾額以 賜。吳縣潘榕臯農部恭紀一律云。和

風鼓化宇。粵海奏耆民。豈意百齡後。重開四十

春。恩綸從驛遞。睿漆自天申。史氏徵奇瑞

無須紀。鳳麟聞其百四十歲時人尙矍鑠。過此

不知又活幾何年。太平人瑞。史冊所罕見也。

吳李潤芝

首

詩才清妙。惜降年不承。較昌谷之

緋衣赴召。差長十齡耳。歿後其弟號伴梧者。哀
遺詩刻之。同人讌集雁湖舟次。云雁湖雲水濶。
挈伴漾輕輪。竹遠含煙細。荷酣帶雨喧。板橋橫
古渡。野店倚荒村。展席還邀月。清光落酒尊。聞
雁云沉沉。銀漢月垂鈎。涼照江南水上樓。飛落
一聲初到雁。不知人意已垂秋。

海鹽蕭雨香明經

應櫺

工詩賦。撰蕭齋詩話十二

卷。採擇精美。詞壇咸望讀之。惜難于費。未能付

耐冷譚卷七

七

梓其次子靈槎。年甫弱冠。詩筆老蒼。江陰道中
云。九里十三灣。舟行摺疊間。岸容高壓樹。江氣
遠涵山。地僻村居樸。天寒客路艱。投林思有託。
輸與鳥飛還。

阮宮保師撫浙時。曾以秋桑課士。僕亦與其列。今
久不記憶矣。近見吳江葉溉翁

樹枚

作云。霜寒

月苦太蕭蕭。絕似秋娘鬢半凋。誰與墻陰話蕉

萃暮蟬聲自咽。枯條無復濃陰滿。徑鋪天風

吹其水楊枯。可憐禿盡青青葉。猶有人來索地

租同作者如昭文蔣霞竹

寶翰

云霜楓到老葉

更丹風柳已病猶姍姍只此秋桑似貧女亂頭

麤服有誰看震澤王竹籜

丕烈

云禿盡柔條殊

自憐疎疎幾樹壞墻邊莫言此日多零落曾向

春風論價錢震澤王臺叔

棠

云無復提筐帶露

行涼雲吹盡作秋聲黃泥墻外三家店釀酒猶

存桑落名俱昔時詩課中所未經道者惜不令

宮保賞之

嘉定縣志楊九娘性至孝父命守桔槔苦爲蚊虻

耐冷譚卷七

六

不易其處竟以羸死土人祀之乾隆間崑山朱

徵君筠庭

厚章

作楊九娘廟歌云楊溪溪九曲

九娘家在溪之隩溪名猶以九娘傳溪上巍然

作祠屋祠前楊柳風祠後菰蒲水村娃龍骨車

夜踏明月裏殷雷聲消蚊母死環九娘祠今九

里其話九娘孝且貞高郵小姑無二情朝朝祠

壁看圖畫靈風肅然裊遺掛紅蓮稻熟吉貝收

報賽神惠宜千秋徵君著有多師集沈歸愚宗

伯序之

睢州王駝南貳尹

觀光

爲浙江承簿數十年。屈於

卑官。哦松以老公曾爲仁和縣丞。今邑人猶能述其善政。其題鄭烈婦祠并序云。婦徐氏翁爲族毆。夫榮組赴救。被毆死。翁控理不得伸。走闕控制府。死於途。氏兩子皆幼。猝遇讐。擒毆之。嚙讐耳鼻至墮。讐訟官。逮氏子。氏號泣訴冤狀。官不省。批其頰。氏憤極。觸石死。屍暴露城西北隅。鐵塔下者七年。湘潭陳公鵬年來宰是邑。雪其冤。爲建祠焉。詩曰。子死父死。父死子婦身未死。心

耐冷譚卷七

七

已死。

解一

兒復讐報父祖。赭衣被逮沉冤苦。

解二

片石七級鐵。

鐵銷石爛皆猶裂。

解三

叫天闔天闔

遠吁嗟。陳父來何晚。氏衢州西安人也。

烏程閱讀山

思誠

同年立山之兄也。以翰林改官

刑部。少時卽有詩名。屢求其稿不可得。今從所刻會課中錄詩二首。未窺全豹。已見一斑矣。冬日詠懷云。歲寒草木枯。天風吹北陸。素雪飄然來。蕭蕭壓松竹。鵲噪喜成巢。寒禽入林麓。棲息各有時。曠然無不足。人生僅百年。胡爲徒逐逐。

琴可養我心。書可飽我腹。坐飲梅花中。幽香清
且馥。隔林延月來。淡淡浮杯綠。仰視暮雲空。天
高殊不局。皖城春望云。江南佳節又清明。短袷
迎風兩袖輕。細雨春深余闕墓。荒郊地逼呂蒙
城。門前白塔青山繞。樹裏紅橋綠水平。記取者
番沽酒地。杏花村近小旗橫。

寫村野景物。須道得俗情。出詞質而不俚。序明而
不亂。如畫如話。方能爲佳。少峯題沈供奉村女
歸寧圖云。村女念父母。晨興整行裝。切切語夫

耐冷譚卷七

二

婿。暫別誠難忘。妝成出幃幕。再拜辭姑嫜。翠袖
石榴裙。插鬢野花香。竊恐有人笑。紈扇時半障。
山路多逶迤。騎牛穿林塘。心急牛反遲。望近路
偏長。隱隱柴門外。一帶綠垂楊。料知昔女伴。早
已候村莊。到門笑相迎。全家喜欲狂。父母握女
手。爲言日相望。女曰魂夢中。夜夜父母傷。阿兄
聞妹來。磨刀宰猪羊。小妹學畫眉。對鏡重梳粧。
鄰女雜沓至。明鏡正煌煌。語言雖錯亂。一坐問
新郎。村女獨俯首。含羞弄衣裳。喧聲出戶外。團

坐共茅堂。不覺夜已深。殘月照柔桑。臨去何所
贈。棗栗傾箱囊。村景此最佳。圖畫誰擅場。奇哉
沈供奉。細摹追長康。

耐冷譚卷七

七

仁和宋咸熙小茗謨

桐鄉孫貫中古杉定

錢塘梁氏其先數世皆隸學官以教授爲業至谿父先生始遨遊四方然館穀所入卽隨手濟人窮如故也其課孫詩云生憎不學濫襟裾破屋三間事掃除乃祖乃翁貧到骨卽今仍遣讀殘書孫卽山舟學士諱林方伯也當文莊公未第時先生窘甚其貧歎云欲問陶朱術不傳謀生

耐冷譚卷八

一

日拙事堪憐一椽居久三年儼八口家無半畝田有客僅能供茗菴非僧已笑絕腥羶截長補短天公意粗識之無傲守錢年七十特封戶部侍郎頒傳經介祉扁額並御製五言律詩以賜隆施稠疊貧報亦云厚矣

山舟學士南山掃墓憩陳姓人家見壁間有康熙

二十六年丁卯科題名錄正榜僅五十名副榜

十名同考十二房并主司官爵表字鄉貫三場

題目一一詳載解元於潛伍涵芬第七名卽查

聲山先生百餘年故紙。居然不毀。亦一奇也。是科有錢塘周天相者。中四十二名。至乾隆丁卯。重預鹿鳴。學士赴宴時。猶及見之。因題其後云。我年二十五。卯歲領鄉薦。再上六十年。此榜實羔雁。憶余鄉賦時。羣集隨諸彥。領袖鶴髮翁。謂周翁天相巍然靈光殿。風貌既甚古。章服亦不賤。私竊問姓名。愛蓮分一瓣。少年曾筮仕。秩視諸侯半。歸臥田里間。後生蔑由見。恭逢盛典舉。重預嘉賓宴。今復卅年餘。翁久隨物變。卽予同年生。

耐冷譚卷八

二

八九已露電。乃于山人廬。忽覩紙半片。上鐫千佛名。一佛曾識面。當年取士嚴。額解纔大衍。主司及同考。一一載鄉貫。字迹頗工整。首尾無漫漶。想見給賣時。狼籍坊市遍。此紙逾百年。獨再優曇現。賢哉方山子。拾得常自玩。藏庋比吟箋。裝背作畫卷。某也後進人。彰美在所先。率書五字詩。畱下一重案。迨嘉慶丁卯。學士年八十四。亦重預鹿鳴。我等俱以是科後進。修士相見禮。尤奇之奇者。同年餘姚呂戴山。承恩和之云。我

朝三丁卯。敝邑各一薦。余忝陳謝後。康熙丁卯陳公

元乾隆丁卯。謝公應雷及子如鼎列真雁。閱百

中嘉慶丁卯。每科各止一人。

八十年事難詢前彥。側聞梁先生早歲侍講殿

懸車傲公卿。引汲喜寒賤。選賓畱韭粥。佞佛供

蓮瓣。祿位名壽全。書畫鑒賞半。偶一入城市。老

鶴雲中見。鹿鳴甲巳周。奏賜重赴宴。小子後

同年投刺書銜變。余獨書後丁卯科舉。盛事無人以進先生韙之。

古今文章合雷電。朋儕忽問予。例存舊板片。先

生乾隆間。亦識周翁面。兩浙惟此科。佳話竟重

耐冷譚卷八

三

衍焉。知我輩內領袖。仍舊貫。先生九十一觀書

無曼漉。回憶題此詩。流沫讀萬遍。當時豔前賢

今日卽身現。造化一小兒。顛倒好弄玩。不遇奇

福人。何從得是卷。科名如新婦。相繼成。後先待

余百三歲。又添一重案。余領薦時年四十四故云。

國朝定制。民止夏秋兩稅。冬則按畝徵糧。無科派

無徭役。前代所未有也。近爲官侵吏蝕。民人愁

怨之聲。遍于閭閻。自非勤恤民隱之大吏。若

門九重。誰能以疾苦上達耶。萊陽趙北嵐。曾吳

中田家歌云吳中田賦一何重。云是天庾充正貢。可憐胼胝三時勞。租稅纔完室已空。今歲雨暘喜歲收。江南處處歌有秋。川楚估船今又到。田家飢餒何須憂。縣倉已開價不起。官家要錢不要米。二斗賣得一斗錢。吳中依舊無豐年。趙係江蘇候補知縣。肯爲此言。亦仕宦中之佼佼者也。

武康銀子山下爲姜灣邨。有吳氏女子詩云。銀子山前水潑磯。英紅堰上浪花飛。郎歸未必簿頭

耐冷譚卷八

四

宿日暮無人。且掩扉。徐雪廬譜入前溪風土詞云。銀子山前月上時。溪邊楊柳萬條絲。一鈎羅襪花陰裏。唱出山家閨怨詞。

秀水朱絳槎階吉弟穎雙達吉俱以進士列朝籍。

穎雙尤長於詩。同人棗花寺看牡丹云。宣武坊南野趣探。鼠姑風引到精藍。香醲莫遣煎酥待。色豔偏宜帶雨酣。僧喜達官頻攝榼。佛嫌詩客懶開龕。散花天女渾多事。競惹維摩一笑叅。傳其先世本服賈。以餘貲廣印善書。肅衣冠虔送

親友數十年不倦。人以迂濶笑之。不顧也。今絳
榿歿于廣東學政任所。其哲嗣已登賢書。子弟
之入庠門者。歲歲不絕。門閭之大。其來有自云。
同年烏程徐沅。胎保字詩才敏捷。刻燭可成。長歌
沉雄激宕。尤欲前無古人。謝文節公琴歌云。一
彈六陵風。雨聲激號。再彈忽作厓山之海濤。三
彈四彈。竹石裂黃雲。捲入燕臺高。吁嗟謝文節。
萬里孤魂一腔血。身可爲趙氏亡。琴不與宋家
滅。魚龍貓虎運不昌。七條瘦玉調清商。潮陽建

耐冷讀卷八

五

陽同一哭。思歸誰唱南朝曲。哀哉丞相琴。清原
山下之苦心。哀哉侍郎琴。憫忠寺裏之悲音。白
雁謠。朱鳥吟。板橋道。冬青林。蒼蒼涼涼。併向琴
間出。琴聲鬼聲。辨不得成仁取義。各千秋。同抱
瑤琴。兩奇絕。壞漆淒涼。桐梓材。團湖唐石至今
哀。陽關恍送水雲去。晞髮還聞臯羽來。題謝臯
羽晞髮集後云。三日江潮一塊肉。天荒地老詩
人哭。一哭候潮山。再哭巖陵臺。手持竹如意。朱
烏魂歸來。酌酒北向哭聲震。竹石欲裂天門開。

十年淮上覆雲黑。君王罷宴芙蓉闕。鏡歌一曲
難再聞。眞主北來入中國。文山勤王戰潮陽。上
兵數百死。堂堂五坡未執中。原復安知叅軍不
與日月同爭光。走歸勾越願爲汐。池榭山嵐風
景別。芳草圖中愁美人。白雲原裏眠逋客。四明
碧雞山崔嵬。仙乎仙乎非凡材。爲唱南唐奉使
曲。慟哭不得天顏迴。嗚呼申胥九頓首。賈誼六
歎息。公旣不能長號徹帝關。哭動虛危復何惜。
九鎖山人天下士。一別杜鵑君已死。死日不歸

耐冷譚卷八

六

田橫島生時乃隱。方千里大宋遺民泣帝都。紅
羊故劫沒寒蕪。空將三慟西臺淚。灑向東坡夜
雨圖。

石門施澗芝鑿喜吟詠。擅鐵筆。其詩阮宮保師采
入輜軒錄中。雪夜云。風掃茅檐驚亂竹。雪深籬
落靜寒龍。方鶴仙和云。幾樹梅花低白屋。一堆
稻草臥烏龍。寫雪夜景像。宛然在目。

嘉興朱友鶴丈爲吾郡學師。有賢聲。年近五十無
子。復喪偶。或勸之買妾。曰。吾欲求淑女。以禮聘。

之。不則寧鱣也。果娶一舊家女。年亦將四旬矣。
伉儷甚篤。初丈以無嗣故。心極焦慮。有臥病誌
感詩曰。白傅無兒空下淚。中郎有女亦相親。會
何著述傳當代。任把詩書付別人。又曹王廟燒
香句云。買得泥孩兒一箇。歸來算我已添丁。其
語絕悲。吳丈澹川謂友鶴善人。必當有後。後竟
得子。丈深于經學。喜精研金石文字。所長不獨
詩也。

吳枚庵先生叩須集云。達純字粹修。浙江桐鄉朱

耐冷譚卷八

七

氏子。歷主流水南禪方丈。退居殊勝庵。有悉擅
吟草。僕輯桐溪詩述時失採。今先錄其一詩。以
誌疎漏。俟續編詩述。再覓全稿。選之。登惠泉山
云。尋山理短檝。卻趁雨餘天。杳矣臨深壑。因之
得古泉。山光籠秀色。塔影鎖寒煙。撫景雙眸豁。
吟懷夕照邊。

吳中千戶某卒於官。其妻以子幼不獲死殮。時割

一耳納千戶手。元和邵明經南薰作割耳謠云。

千戶婦播人口。千戶死王事。攜孤哭道石。妾志

何由明割耳。納君手。淚痕血痕流滿顏。從今拋卻黃金鑲。賣鑲鬻釧兒。勤撫鬢髮蓬飛。敢辭苦妾耳。在君手。君心繫妾思。心耳相通不相隔。人間消息君應知。

洪稚存太史與先府君善。仁宗朝以直言觸

迂。大臣擬以誹謗論斬。蒙恩減戍。不一年卽

釋還。於獄中寄府君書曰。亮吉蒙恩謫戍。

萬里。已就道矣。銀鑄三日。露坐一宵。忽於解衣

就餘。作躍馬長征之客。聖恩高厚。頂踵

耐冷譚卷八

八

難酬。伏念亮吉一生。本無大過。祇以狂直。自取殺身。海內素心。庶惟足下。或出或處。一切勉旃。亮吉請室中再拜。太史少孤。力學經史。六書靡不精究。所著卷施閣詩集。語必驚人。調無懦響。黃山入文殊洞云。履危信千殊。積駭非一狀。晨遊藉僧侶。夕止託神貺。孤生寄危磴。一轉一翠嶂。諸峯盡莊嚴。雲霞聳奇相。千繩束一縷。步窘不得放。差無虺蠹懼。已見星緯上。束炬入巖竇。捫壁類古壙。聞呼數前踵。怯響屢後望。峯形覆

空釜口缺入遠亮陰泉滴虛房乳竇流佛藏憑
虛步初懾出竇神始王回瞻北斗光空濛遠相
向自儀真放船至揚州懷汪大云不及紅橋修
襖辰布帆東去剩殘春囂嫌里俗非吾土貧憶
交遊有此人日晚細尋花下路風喧時遊竹間
塵重來屈指無流輩董相祠邊駐畫輪將出都
門畱別黃二云拋得白雲溪畔宅苦來燕市歷
風塵才人命薄如君少貧過中年病卻春

海昌老友徐韻松不見者垂三十年近晤於石涇

耐令譚卷八

九

沈氏兩耳已聾昔日飛揚之態全無有矣行篋
中出其子碧珊明府瀛所寄塞上雜興四首雄

健沉鬱可追大歷諸子亟假錄之萬山頂上備
員來不信書生是弱材人到折腰難免俗吏非
強項敢矜才烏亭鷺候行程遠犴烏獐花眼界
開匹馬巖疆持使節寒沙漠漠過龍堆防秋

從古重西郊地與狼荒裸國交回鷓萬家尊貝

葉明駝千里供包茅廓尔喀入貢余奉檄護送番使至察木多旱馳

羽檄層冰裂夜草蠻書凍墨膠輸與番兒身手

健。六。花。如。掌。尚。鳴。鼙。西。去。魚。通。路。萬。程。冰。爲。
地。軸。雪。爲。城。雲。昏。瘴。氣。奔。颿。影。風。掠。邊。愁。戰。鼓。
聲。衰。草。粘。天。秋。牧。馬。平。沙。列。幕。夜。屯。兵。碣。樓。多。
半。成。空。壘。猶。說。當。年。第。幾。營。西。風。獵。獵。捲。征。
旄。湖。海。心。情。氣。自。豪。雪。境。偶。披。紅。韎。鞍。酒。方。新。
試。綠。葡萄。鞭。揮。飛。電。騰。龍。脊。箭。裂。秋。雲。落。雁。毛。
擊。罷。黃。鷹。歸。已。晚。蘆。笙。吹。徹。月。輪。高。碧。珊。官。四。
川。銅。梁。縣。奉。檄。駐。西。藏。有。能。聲。牽。絲。之。暇。不。廢。
詠。吟。較。之。清。簾。疎。簾。看。奕。棋。者。勝。一。籌。矣。

耐令譚卷八

十

陳太史晴巖

傳經

爲海昌相國之後與僕髫歲相

知。結爲昆弟。後館于勾山太僕之紫竹山房。予
入城。與內兄弟蘇谷傳書荔峯曼生輩。抵掌劇
談。往往達旦。有時拈題角藝。君輒先就。同輩爲
之閣筆。欣賞未已。而次藝又成矣。嘉慶丁卯。與
予爲南北同年。戊辰成進士。入詞館。逾二年而
死。年甫四十五。無子。一女尚幼。梁山舟學士聘
爲孫媳。爲之撫養。吳江金壽潛輓詩。所謂伯道
無兒遺絡秀。中郎有女倚梁鸞也。身後遺詩散

佚。僅就所記憶者錄之。月夜坐竹素園對殘雪
云。積雪未肯消。畱連待明月。客子懶無寐。相對
正超忽。亭抱孤影圓。徑露凍痕缺。檐北晃林梢。
池南淨山骨。極天銀汞流。射地頗黎滑。虛廊風
悄然。清氣逼毛髮。苑園春欲生。短夢飛難越。不
知山館裏。梅花幾枝發。冬日有懷黃鶴山房云。
黃鶴仙人隱碧山。柴門寒少晝忘關。谿南晴雪
梅先放。屋角斜陽竹半刪。笠短欹風樵擔重。纜
長浮水渡船閒。此中畫境吾能說。夢繞流泉第

耐冷譚卷八

七

幾灣。山塘云。花影靜。詩夢水香。邀酒情。山憐秋
後澹。月怕客邊明。畫舫虛前度。浮鷗伴此生。揚
帆吾已倦。多事曉鐘聲。晚抵三家店云。衰草白
於月。遠林昏似山。征塗感蕭瑟。併入晚寒間。邨
小門先掩。車喧路幾彎。儘教沾濁酒。一醉洗塵
顏。

沈司馬雲嵐予親家也喜結納名流過其廬者必
欸畱信宿夜分猶劇談不倦築雪香書舍收藏
前人名蹟甚多詩亦清超拔俗次楊文樸見贈

之作云。蕭蕭白髮楊夫子。著述心輕萬戶侯。性
地光明如水鏡。筆端雋潔濯冰甌。暮雲高館干
林暗。細雨歸舟一櫂浮。試問梧桐溪上水。相思
網得玉鱸不。借同人泛舟。鴛湖云。白蘋吹散盪
波光。倒影樓臺水一方。有客倚舷吹鋏笛。湖邊
驚起兩鴛鴦。輕煙漠漠點春衣。打槳沿流夕
照微。隱約漁舟看不見。柳絲遮斷釣鰲磯。寄郭
頰迦云。株守柴門感索居。風光况是落梅初。故
人若念三年別。莫惜春江雙鯉魚。

耐冷譚卷八

七

石門徐容

英年妙才。託跡深邨。以咏歌爲事。著乃

齋吟草。施少峯序之。其呈少峯丈作云。詩壇畫
苑擅風流。不慕三公與五侯。至性定應青史著。
丈有紀。幽蹤時被白雲留。花前覓句多新詠。酒
後談心半舊遊。自笑推敲無一是。未能攜得謁

荊州。他如池上吟云。春樹臨流花發蚤。秋菰繞
岸月來遲。寄懷王蘭亭云。與論世道鬚眉動。遍
讀藏書齒頰香。鎮海塔觀潮云。雪練捲能沉遠
島。雷霆走欲撼危灘。五言若杏花寒食雨。楊柳

故園春。家以儉能給。身由懶得閒。地僻禽魚樂。
雨餘草木知。有語皆肝膽。無詩不性靈。研鍊之
中。純任自然。是能取法唐人。而不肯詭隨流俗
者。

臺灣氣候暄暖。八月間梅桂與蕉桐爭放。十月開
荷花。正月見菊花。吳丈澹川詩。所謂迎年之菊
破臘荷。節物每與中土差也。沈太史聽篁在臺
陽。繪圖以歸。題曰香海澄秋。索同人賦詩。予成
三絕句云。臺陽卉木露華均。上番看花眼更新。

耐冷譚卷八

三

君亦天邊一明月。

圖係夜景

海南管領四時春。

小

園日日報花開。爭放無須羯鼓催。怪底一年花
較盛。多因公子解憐才。
秋氣常如春氣熏。桐
花么鳳亦超羣。天香深處姮娥占。合被羅浮仙
子分。

僕又題太史聽篁圖云。隱侯避俗如避暑。妙契應

同靜者論。水郭山邨最幽處。萬琅玕擁一柴門。

生來勁節似霜筠。試與披圖見性真。千畝渭
川空結想。須知太守本清貧。清風過處韻珊

珊靜對移時生古懽。我欲相從結茅屋。齋名合
署小檀欒。憶題此詩時。太史尙沉淪諸生中。忽
忽二十餘年。不知其圖尙存篋衍否耶。

盧召弓學士有僕趙姓者。能熟誦杜詩。予每至抱
經堂。見其手持書本不輟。學士字之曰肖生。言
其肖己之耽書。且析其姓之半也。一日有疾。作
病馬詩云。不戀三升棧。豆待施一箇。敝帷十載
受恩空。負千金買骨有誰。遂化去。時學士在鍾
山書院。郵書來告。深痛惜之。

耐冷譚卷八

古

桐鄉王萊堂給諫。未遇時。館吾里徐氏。歲暮歸家。
遇風急。舟不能行。泊五杭邨。入夜。聞哭聲達旦。
問之一老嫗云。子因負租。追比計嫁媳以償。成
事在今日。公念束脩尙不敷。回至館中。典質奏
數。夫婦復完。事載邑志。其曾孫實庵。作濮川雜
詠。並紀此事云。催租事急。悵分離。已迫明朝破
鏡期。不是石尤風。阻住茅檐涕泣阿。誰知實庵
名華。邑之老明經。安貧植品。不墜門風。著有梅

華書屋稿。

安吉郎蘇門侍御秉性剛直彈章不避顯要擅畫
蟹京師人呼爲郎蟹嘗有句云若使季鷹知此
味秋風應不憶鱸魚寓意深遠雖偶然遊戲出
語自不凡也

昔年至嚴氏芳椒堂修能謂其姪徐卿才欲繼以
爲嗣自修能歿音問寂然方謂徐卿以孤陋廢
學矣壬午癸未間徐卿始來以詞藁見質近且
畱心音韻之學著有說文聲律表一書詣益深
遂詩不多作然望而知爲學人之詩非俗子所

耐冷譚卷八

七五

能媿也贈沈蘆舟先生云曾裏餽糧萬里遊平
生壯志竟誰酬抄書肯借慈恩宅放筆還登太
白樓庾嶺花香晴試馬秦關霜冷曉披裘而今
已把塵襟滌要作林泉第一流閒來慣向綠
陰眠自寫心情寄七絃從野鷗遊觀逝水送歸
鴻影沒遙天能通逸響神山外別溯元音太古
先東海相招同命駕孤懷深恐負成連

蘆舟丈名世焯居烏程之菱湖琴奕書畫無所不
精歷遊燕秦閩粵歸年將八十矣能詩古文詞

不求工。時有見道語。生平非酒不適。其飲也可
盡一石。因自號酣中客。發陸豐云。三月垂楊正
放青。那堪離別短。長亭朋。聯舊雨。難分袂。客滯
他鄉。又轉萍。祇爲空囊歸未得。每因愁緒睡常
醒。一肩山轡衝風去。碌碌依人不暫停。他如綸
垂柳下。添詩意。屋隱桑陰入畫圖。一面青山三
面水。二分秔稻。八分桑。飄零况味風中絮。冷澹
生涯雪裏花。俱堪尋諷。先生藁予未之見。徐卿
爲予誦之。

耐冷譚卷八

十六

吳江程質谷

芾

爲竹齋侍御之猶子。嗜酒佞佛。豪

宕不羈。所作詩文。亦時出繩墨之外。於詞特工。
近聞以病酒卒於都門。可惜也。其和嚴徐卿秋
夜見懷元韻云。涼月滿空庭。清輝動虛白。逸興
與誰同。憐君尙爲客。引領仰西山。暮雲杳相隔。
四壁起秋聲。傾聽愁難釋。我欲乘風來。奮飛慚
鍛翮。醉後拂吟箋。一鐙暈孤碧。

澹川丈云。詩以忠愛有餘。蘊釀不盡爲佳。怨尤凌
暴。促數譁。爲劣。昔人云。青天白日。和風。卿雲。

不特人多喜色。卽禽鳥亦有好音。若暴風怒雨。疾雷閃電。鳥且投林。人亦閉戶。乖戾之感。一至此乎。又云。天地萬物之理。皆始於從容。而終於急促。從容者。初氣也。急促者。盡氣也。事從容則有餘味。人從容則有餘年。可悟作詩之旨。得性情之樂焉。僕謂自古詩人。身歷顯途。學愈深。心愈下。後生薄植。苟有片長。無不經其獎借。卽境處卑賤。亦無憤激愁苦之辭。所謂學問深時。意氣平也。集中有示及門諸子詩云。憂患由識字。

耐冷譚卷八

十七

竊語給俗士。豈知六書中。實具好修旨。仁人而義我相從。各有紀反正。卽爲乏可悟。窮通理古來。乖僻人俯仰。無一是。和平臻百祥。告我二三子。

少陵云。讀書破萬卷。下筆如有神。此千古學詩者之極則。滄浪詩話云。詩有別材。非關書也。詩有別趣。非關理也。然非多讀書。多窮理。則不能極其至。持論本極周密。自解縉春雨雜述。截取滄浪首四句。以爲學詩者不必讀書。此論出而販

夫賈豎皆可哆口言詩。詩道於是乎衰矣。僕昔與曼生論詩。有滄浪漫說非關學。誰破人間萬卷書之語。亦由少年無學。循習流俗人之說。使滄浪千古抱冤。書此以誌吾愧。

華亭周鐵巖

芳容

其父游幕沒於楚。鐵巖不憚數

千里之遠。隻身獨往。屢遭波濤。蛇虎之厄。竟從叢塚中覓得負骨而歸。僕集中有詩紀事。敘述頗詳。少峯文復題其負骨歸葬記後云。生時菽水未承歡。客死他鄉寄一棺。尋骨竟將親骨負。

耐冷譚卷八

十六

上途纔信世途難。山蹲猛虎逢深夜。浪湧洪濤歷險灘。堪並吳江黃孝子。惜無鮑照爲君刊。

吳江

黃孝子向堅有尋親記鮑文溪飲刻入叢書中

語溪僧天曉。字香谷。禪課之暇。能讀儒書。擅吟咏。詩境不深。喜無塵氛之氣。西邨暮歸云。回溪宛轉木橋橫。日暮炊煙幾處生。一片陰陰桑柘路。涼風吹出暮蟬聲。玉溪訪少峯丈云。消暑高齋興味深。詩摹玉局畫雲林。敲門莫笑僧常到。爲恐煩君踏葉尋。

丈有踏葉尋僧圖

蕭山丁鞠山治昔爲監院時。與之同事。鞠山豪于
飲。好撻捕之戲。一擲千金。予屢諫之。弗能聽也。
然有時擁鼻微吟。頗極風人之致。如煙霞嶺云。
雲深。山色換。風定。鳥聲歡。懷人閩中云。海雲滋。
瘴氣春。雨濕蠻花夜。坐云。蟲語聚空壁。秋燈盪。
旅魂。贈僕云。詩好儘容豪。奪去情深未許醉。言。
歸。贈某明府云。酒熟任招名士飲。官清仍似秀。
才窮。鞠山逝後。遺藁無存。僅記此數語。以當山。
陽之笛。緬維夙好。歎息彌襟。

耐冷譚卷八

九

武康之西北隅。山水清奇。遊屐罕至。梅里汪一江。

澗

欣然往遊。遊必紀以詩。雪廬典簿謂其所得。

詩。皆蟬蛻羽化。飄然有神仙之概。前此紀遊者。
所未見。指月庵云。山影暗沙鷗。日落諸峯聳。風。
搖潭底月。倒漾石壁動。竹扉映水開。一白溪光。
擁禪燈。淡欲無歸雲。流滃滃。中有入定僧。寂歷。
方罷講。欲持半偈禪。心齋息煩冗。桃花巖云。山。
深翠靄濃。苔花積溪路。我行墮曉寒。衣履生雲。
霧。獨抱看雲心。兼得尋山趣。時逢出山人。遙指。

花開處。邨連竹外煙。路盤橋西樹。不見織簾人。
漁樵自來去。蚤起自薄頭。至姜灣。卽目云。我如
雲出岫。復隨雲渡澗。卻上最高巖。遙望英紅堰。
但見溪上雲。濃白飛一片。初疑松杉動。歛訝峯
巒變。漸行入雲中。看雲翻不見。稍覺空翠寒。沾
衣濕如霰。卻顧來處山。又被雲遮斷。英溪子壻
鄉也。昔年僅得遊蝙蝠石燕諸洞。綠野銅山諸
寺。間至姜灣。有詩亦無佳者。今則縛於一官。且
乏濟勝之具。深惜前此之好景蹉跎。未能免俗

也。

耐冷譚卷八

三

昔歸熙甫以女子未婚守貞爲過禮。朱愚庵尤悔
庵兩公非之。非之是也。蓋婦人從一而終。不以
死生易其志。此古今之通義。自非秉性堅定之
人。不能有是。而世儒猶有執歸氏之說以妄爲
嘗議者。同年呂戴山紅雨山房集中有謝貞女
詩。持論明通。使熙甫見之。亦應首肯。詩云。女未
廟見卒。歸葬女氏黨。旣未成爲婦。其鬼將安享。
共姜賦栢舟。我儀髦尙兩。之死矢靡佗。守志厥

初仿聖人情。爲田。怨曠。兩不彊。旣無重婚。罰焉。
有未婚。賞可守。不守。問真誠。發憤。慄咄咄。謝貞。
女逸志。同雲上。一生居苦縣。九死踐息壤。緬彼。
妾禽時。津門雲莽蒼。傷懷歌芣苢。充飢拾粟橡。
逝者不如今。妾身猶是曩。君舅宦粵東。南歸迎。
雙漿。始識沈郎門。未識沈郎像。新婦未亡人。拜。
而后稽顙。無何翁又隕。一落真千丈。竭來母家。
居。齊箒勤績紡。卅年集荼蓼。可歷不可想。嗟哉。
女貞詞。讀罷心忽痒。譬如奇男子。雄心剪夔魍。

耐冷譚卷八

三

方其抱血誠。天地爲震盪。譬如隱逸民。高風振。
林莽。方其甘肥遯。宇宙覺寬廣。譬如戒行僧。定。
識伏龍象。方其持嚴律。邪穢都滌蕩。又如佔畢。
儒。屈志守益益。方其積苦功。才名終駸蹶。怪哉。
一身兼。乃在貞女榜。禮經無明文。嫗孀更宗仰。
於例未得。門旌在聖必加獎。

文選志同雲上

育未敬堂

卷八

耐冷譚卷九

仁和宋咸熙小茗誤

丹徒王 豫柳邨定

嘉興戴 鏞 字淑章號笑嶠與竹垞太史交工詩古

文詞今已隔一百四十年其曾孫 光曾 猶藏

其一扇裝潢成卷名流題跋甚多扇係侯官張

遠所畫一面書者六人皆竹垞初白諸君其石

門呂太史半墩三月三日借查田楔飲淮江作

云野棠花落又清明楊柳青青人耦耕春物闌

耐冷譚卷九

珊瑚成底事半江疎雨暮潮平呂詩世所罕見故

錄之

石門朱秀巖 嶽宗 性耽書史淡于名利見人著述

摘其精者手綴錄之名讀山樓談藪已成八十

餘卷詩有玉溪漁唱百咏頗能補志乘所未備

如云皂林古驛夾雙虹吳越名津到處通欲覓

官窰何處是徘徊芳草夕陽中皂林舊稱吳越

名津地有官窰縣志失載

淇介亭太中 占銓 江西宜黃人嘉慶壬戌進士家

酷貧雖服官

禁近所作詩時有愁苦之音辛

未入都於晝堂農部處與之定交不四三年而
介亭歸道山矣其所著小容齋詩稿未識能刊
以行世否乏米戲作云萬錢日食定何如一飯
難謀信有諸幸不折腰同作令卻愁棘手木工
書家非北郭依人慣臣是東方待詔初白髮老
僧能愛客呼童帶雨擷園蔬秦良玉錦袍歌云
螺玉特賜督師臣辦賊迺倚夫人軍夫人軍爲
勤王起平臺召對天顏喜咨汝將軍血戰勞賜

耐冷譚卷九

二

詩兼賜盤龍袍此袍色耀桃花馬愧殺鬚眉誤
國者黃巾煽燄蒼鷹飛夔巫旣陷勢莫支夫人
誓師向師哭我境有從賊者族廿年身受國恩
來肯以餘年事賊哉閉關待死全高節至今留
得團花纈錦文射日雲霞開想見當年忠氣結
吁嗟乎陷藩伏法彼何人賜衣久矣薤煙塵

從姪

震培

爲仲海同年之長子髻鬣知詩稍長益

媚學不倦歲己卯于都門居易齋錄其近作書
扇以寄時年甫十五耳越四年而卒於家有才

無命未見其止。今檢扇頭詩錄之。玉樹生埋痛
鳥可已。出門云。出門西笑欲何之。韞線無長只
自知。富貴何時且行樂。貧窮有命豈工詩。心如
騏驎思千里。身似鷓鴣借一枝。歲月長安悵虛
擲。板牀龜已兩年支。出門惘惘利名牽。插腳
紅塵。少年口腹累人慚。仲叔聰明誤我愧。坡
仙書猶可學休談。劍人亦難尤敢怨。天欲買黃
封。拚一醉鷓鴣典取杖頭錢。移居云。新巢旅燕
託身安。棐几藜牀一室環。司馬有家徒四壁。士

耐冷譚卷九

三

龍借解只三間。居雖近市非求利。境任生鶯總
愛閒。最是五更殘夢斷。馬蹄人語鬧柴關。春日
陶然亭口占云。春遊不惜馬蹄遙。放眼江亭景
廓寥。雉堞浮煙晴漠漠。龍池新柳碧迢迢。臨風
燕影雙飛急。跳水蛙聲兩部鶯。到此何須重把
蓋。愁懷無酒已全消。送馬秀夫赴伊犁云。馬氏
白眉俠者流。長征萬里歷荒陬。舊遊白帝孤城
遠。此去烏孫絕塞秋。四月棗花開驛路。一天芳
草送行輶。請君莫聽陽關曲。古柳蕭蕭繫別愁。

同里王扶九先生少年遊幕館穀頗豐既老就粵

西每縣徵比一席除夕見楹帖已敝自書一聯

易之云白髮蕭然看他人兒女夫妻千般恩愛

黃金盡矣歎此日油鹽醬醋百計安排詰朝主

人入館賀歲見之惻然越旬餘告之曰吾子老

矣可以息肩如有意還鄉某當贈以五百金先

生不允曰離鄉數年家中逋負不知凡幾今日

入門明日收債者至矣與其歸而仍不能家食

何如不歸之爲愈也主人竟以千金贈之并給

耐令譚卷九

四

以舟車之資遂欣然歸里後優遊林下者數
年至八十餘而卒嘗述以詩云橐筆依人五十
年此身已分老南天東君錫我閒居福扶杖尋
花帶酒眠

從敗簾中撿得石門倪中岳殘稿紙墨瘡敝問之

邑里人士亦無有能知之者其別友人遷居南

邨兼期後會云一別經旬久難忘此夜情短窗

留半席絮語話三更交以真成淡詩因熟見精

閒庭須屢至莫使綠苔生

中岳與五溼束庵天繫上人交。時相唱和。天公詩
多佳句。如落葉聲如雨。叢篁翠若山。夕陽橫塔
影。殘雪墮梅花。俱幽閒。可誦其徒垂虹。亦嫺吟
咏。有繙罷楞嚴無箇事。小樓危坐聽松風之句。
金陵李珍靖妻蔣氏華亭人。夫死。撫孤守志。母族
某無行。利其再嫁。不從。將威劫之。婦斷一指自
誓。卒以憤死。孤亦不育。金山姚蘇卿清華作猛
虎行云。猛虎嚙人人立死。猛虎之威乃如此。蔣
家有虎善嚙人。張口莫問疎與親。不嚙兇人嚙

耐冷譚卷九

五

烈婦烈婦無夫弱可蹂。一虎磨牙婦可當。十虎
並起婦死亡。斷指啖虎虎未饜。虎視眈眈惟婦
噉。吁嗟婦豈爲虎食。婦身誓化山頭石。蘇卿金
山諸生。未冠卽以詩鳴。著有弦詩熟詩。

昔年偕程篔谷過鶯脰湖。於平波臺畔得芭蕉葉
一片。上有詩云。此心未展恨何窮。相對蘭窗綠
影空。作到秋聲倍惆悵。不堪愁雨况愁風。碧
葉新裁一幅箋。自拈彩管自還憐。秋風不解相
思字。清夢何曾到綠天。玩其詞意。蓋女郎詩也。

惜不知其姓氏。質谷有詩和之。

甲子之春。寓西湖錢王祠漏二下。間旁屋吟咏聲。

次日訪之。則震澤諸生俞定甫。蘭臺也。定甫務

爲有用之學。凡水利農田兵制之類。無不討究。

以其餘力爲詩。亦如美鏐出冶。光氣逼人。別後

書札僅一兩通。而定甫已赴玉樓矣。卒年止三

十四。惜哉。所著晚香堂詩鈔。老友張鱸江選定。

付梓。欲遊攝山。不果云。衆壑斂暝色。中峯白雲

奇。蒼然溼天際。欲雨不雨時。維舟泊山趾。卷幔

耐冷譚卷九

六

臨江湄。遙望最高處。鐘聲下來遲。維昔明居士。

卜築隱茅茨。寂靜味禪悅。摩挲尋斷碑。石臥千

佛迹。松橫六朝枝。欲遊曾未果。結願寡所諧。詰

朝挂席去。靈境切遐期。得張鐵夫病中手書。卻

寄云。涼風起庭樹。撼撼搖空林。衆草歛萎黃。稟

冽愁思侵。我友數君子。一一若斷金。浮萍各聚

散。焉得常相尋。見君於我厚。感激百倍深。奇松

甲壓頽澗芳。蘭滋幽岑欲。把搖琴彈彈。此一寸心

調。苦不成。驩朱絃有遺音。別君一載來。鬱鬱鬱

傷懷抱離愁不可說。有時夢中擣巴園。九月初
滿庭秋色好。烏啼青軒樹。蟲鳴碧陸草。欲采日
精。花爲君期壽。考人生能幾。何容華倏然。槁努
力善自愛。不愛喪其寶。贈姚益齋云。天馬行空
不受羈。算來侗儻是男兒。讀書君已半。袁豹交
友。我當爲鄭巽。北里風花江令宅。南朝煙雨蔣
侯祠。相看寥落無多恨。搔首蒼茫有所思。

桐鄉夏雨邨

惟善

晚號夢禪。少時曾代父受刑。遂

終身布衣。

今上御極。施

恩耆老。予力謂夢

耐冷譚卷九

七

禪所爲。乃孝子事。黥於縣。得

錫壽官。生平酷

嗜爲詩。著有碧雲春樹樓藁。喜程葦邨自滇南

歸云。蠻煙瘴雨。乍歸人。別久相逢。意轉親。萬里

山川。詩卷富。五年車馬鬢毛新。筵前舊侶重拈

韻。檻外寒梅已報春。何事征衫。猶未洗。匆匆杯

酒。又風塵。贈郭頰伽云。春山秋水。遍尋詩。問爾

家園。住幾時。嫋嫋東風。楊柳外。門前閒煞十三

枝。把袂金閨。讀大文。梅花香裏。又逢君。扁舟

莫漫抽帆去。谿上閒鷗狎一羣。

夢禪喜彈琴。唱曲尤善道情。以故邑中富家。每樂
爲延致。予戲之曰。夢禪真今之柳敬亭也。嘗作
碧雲樓四時道情云。碧雲樓。春景佳。東風軟綠
樹。遮梅花香裏。招朋話雙橋。連鎖晴波暖。一水
灣環。畫舫斜捲。簾都在紅闌下。喚幽夢。數聲啼
鳥。寫春情。幾點朝霞。碧雲樓。夏最涼。漁歌曲
水調腔。荷花弄影。南風颺。一枝短笛。童孫和幾
卷殘書。午夢長醒來。白雨敲窗響。一任爾轟雷
走電驚。不起穩臥滄江。碧雲樓。秋景清。金風

耐冷譚卷九

八

爽。玉露勻。洞簫吹徹。秋風淨。迷離古寺。藏紅葉。
出沒閒鷗。帶白蘋。客來爭坐闌干。近種幾枝傲
霜秋菊。休猜做五柳先生。碧雲樓。冬又來。紙
窗糊木榻。揩西風吹透。頰垣。瘁敝裘未取。長生
庫酒券。先尋避債臺。主人猶是談書畫。忘記了
廚中無米。先安排瓶裏寒梅。

青浦陳應坤

珠

華南司馬之族人也。司馬極言其

能詩。昔年於梅莊匆匆一聚。欲借其岑溪詩集
讀之。未果也。篋中僅留古風八篇。今錄其四云。

明月何皎皎。洞房生夕輝。佳人傷獨立。抱瑟披羅幃。一撫離鸞曲。聲入浮雲悲。昔爲比翼翔。今作孤蓬飛。孤蓬無根株。中道安所依。願借皓月光。照彼遠人歸。徘徊還入房。寂寂想容儀。曩

下有枯桐斲。爲焦尾琴。玉柱展金徽。悠然發清音。一彈幽蘭曲。再彈淙水吟。泠泠十指間。古調刪哇淫。羅幃鑑明月。天風吹衣襟。我欲至海上。成速何可尋。推絃起長歎。悽惻平生心。道旁有兔絲。素女不可織。田中有燕麥。農夫不可食。

耐冷譚卷九

物理與人情。虛名竟何益。人生天地間。所貴得其實。緬彼齊門伶。終朝空抱瑟。音節非不工。參商隔南北。寄語爲學人。相期各努力。人生如春花。開者復當埽。人生如秋葉。落後不復好。白日忽西馳。瞥眼疾於鳥。歎彼少年時。倏忽變衰老。自傷蒲柳姿。焉能保壽考。所以古達人。爲樂當及早。富貴安可期。藏身以爲寶。

海鹽李徵君 南人 孝子也。昔同邑張芭堂徵士。手

有魚文。故字文魚。君亦如之。大吏曾察其孝行。

上之于

朝得

旨優獎。歲辛巳。復舉孝廉方

正。予六品銜。君絕無懼容。惟涕泣思親。以未
得顯揚爲恨。其膺薦制科。述懷云。封章拜得知。
何日風木圖。成憶昔年風木圖。蓋昔時所作以
志哀思者也。其題竹云。旣虛其心。復堅其節。氣
干青雲。冰霜共潔。可以髣髴其爲人。善擘窠書。
及篆隸。飛白間寫梅蘭。亦佳。著有小方壺仙館
詩鈔。

金山丁司馬漑餘

繁培

物疎道親。不爲名利所擾。

耐冷譚卷九

十

家有宛在園。饒泉石花木之勝。與兄賴莊嘯咏
其間。著有漑餘吟草。秋仲懷姚芝亭云。不見詩
人姚武功。百年家住泖湖東。湖心鯉魚長尺半。
昨夜銜書入網中。高軒何日許經過。共泛漑
漑江上波。落照灣頭看落照。與君賭唱採菱歌。
理安寺登松巔閣云。松際一樓出濤聲。直到門
寒林失山翠。野鳥蒼清言雲護。空中磬風搖定
後旛。徘徊萬綠屏。涼月滿前軒。

司馬有女弟

寶慧

字婁。巨馬德。璿未婚而德璿沒。

茹齋守貞。後聞其姑有疾。涕泣請于母。願歸馬氏。母不能奪其志。告于馬。備禮迎之。至則侍蓮姑。惟謹。立從子以楠爲嗣。今以楠已能文。徵詩表彰之。刻有靜虛樓題辭。崑山戴月邨書芬作。

女貞篇云。女貞木。獨抱孤貞。完太璞。靡他之死。相舟篇。高並懷清。挹方躅。我昔悲歌黃鵠。早兒纔繞膝。女在抱。懸絲一綫。苦撐持。茹檠飲冰。怒如擣。讀女紀畧。殊感傷。拜手濡墨。重賡揚女貞之花。何輝光。女貞之節。凜冰霜。奉姑立後。持門。

耐冷譚卷九

十一

戶弱齡卓見。高千古。守義豈必定。捐生同穴。從容誓黃土。麻衣煩母親。結襦此事於古曾見之。煌煌至行丹陽垂。乃知淑媛非無師。君不見花帶不雙鸞。影寡羅靜以身託亡者。月邨亦閨閣之貞而才者也。

道光三年。施賑至白馬塘。有人告子曰。幾日前來一湖州乞丐。察其語言舉止。是秀才也。向宿某廟廊下。今有病。被僧移至郵亭中。亟覓之死矣。友人沈獻廷買棺掩之。破篋中有詩一紙云。英

雄曾乞食漂母亦分餐薄俗逢人笑他鄉索飯
難妻孥付流水暴露玷儒冠不棄敝帷者埋之
當蓋棺玩末二句斯人疑姓馬也惜不知其名
陳丈古華太史曾藏劉念臺先生一硯額有海天
旭日四字昔鑄先生名爲崇禎壬申年識硯爲
屠明經兩梅所贈丈作長歌紀之甲子之秋訪
丈于鼓山書院出此硯矚予因得拜觀摩挲不
置亟勸歸之劉氏後裔今丈沒已二十年所書
詩篇尙存篋笥紙墨爛然其硯不審在于何處

耐冷譚卷九

七

歌云海天波浩森片石迴瀾屹不倒借玉帶生
爲世寶旭日光旆曦中流一柱撐傾欹如墨胎
氏歌采薇聞公昔居鼓山中胡不效龍場之謫
吏力掃崑宣馬阮之黨宸豪同何徒兀兀守此
研抱璞幾等荆山下白馬異說闢禪學青蒲抗
疏據忠諫不知當年下筆十萬言泉奔渴猊日
幾遍許瑚朱統顛黨惡空施短狐箭高傑劉澤
清陰謀屢試鉅麕劔力攻羣奸志不回身蹈危
機顏不變精誠所注只此墨一泓手澤長留奚

翅金百鍊。就中涵育。三十有五人。赴義紛紛。殉國難。元趾_可受炎。午弔開美。早膺黃門。薦死同公。死趣自裁。生同公。生救巖。譴剛腸。磨鐵。鐵石穿。人道千鈞。維一綫。我備栗主。奉諸賢。復藉雲

初識公面

詩先生後裔毓仁適以遺像見示索爲題讚

條侯終困入

口紋。屈子未遂。沈湘。願嗚呼。鼠鬚。繭紙。萬古傳。蘭亭禊事。今杳然。捧公硯兮。拜公像。戴山日夕相周旋。周旋豈獨此。硯貴所貴。立朝之節。如日經天。證人之學。如海納川。智者愚者。悉摩厲。頑夫懦夫。鈞陶甄。名公會書。伯夷頌。高閣方吟正。氣篇。人心爲正邪。說熄公之此硯。猶可食。

耐冷譚卷九

三

律詩中寫景之句。前人摹擬畧盡。後之作者往往

與之暗合。然知之當卽改去。否則不知者疑其剽竊矣。僕謂詩有醞釀。有寄託。曩曩獨造。前無古人。便無雷同之弊。僕集中采香涇云。采香人往矣。采香涇如此。枯僧待月上。獨立寒煙裏。從唐人聞說春來倍惆悵。百花深處一僧歸。二句脫胎。卻令閱者不覺其有本。

墓古徒求貌似如神祠中土偶非不端嚴靜好生氣索然矣亡友王惕庵之詩曰人心不同如其面心之虛靈善于變古人早化爲異物何可使形白日現與隨園老人之言暗合

琉球自隋以來始見簡策至前明乃通職貢入本朝恭順有加中山世鑑云始有一男一女生於大荒自爲夫婦生三男伯爲王稱天孫氏叔爲官三爲民二女皆三首六臂姊名君君爲天神妹名祝祝爲海神傳二十五代歷萬七千八

耐冷譚卷九

古

百二年其臣利勇篡立日本人舜天爲浦添按司舉兵討之乾隆壬申涪州周海山尙書煌奉

使冊封琉球作中山賦上邀宸覽中有云

三男二女神人是宅歷萬七千八百餘年世更

紀代易至於舜天乃卓犖而光赫其海上卽事詩

云龍艘萬斛受風斜六月輕寒雪浪加從識人

間無落葉果然天上有浮樁簌揚忽似南箕近

向背還同北戶賒最是夜光明比晝坐深衣露

莫涇清華 針路微茫日本經海舶幸川寶於龜

鑑座中銘長令甲乙輪爲直影長以司針置正副二人真有

乾坤磨不停分水似犀投木柿以木柿從船頭疾投海中人趨

至梢人柿同至謂之合更人先柿爲不及更人後柿爲過更出波如蒜見花

瓶嶼名豈知中外原無界溝祭空煩說四溟所過

溝投牲以祭相傳中外分界處萬靈呵護仰天威昔所傳

聞總未非海船合同黃帽住接封大水仙元共

赤鱗歸過釣魚臺有大鯨魚隨舟時能入舍雙雙引鳥解銜

窠得得飛二物皆所見好語海翁須記取不妨知我

亦忘機牛生蹤跡未云奇且喜茲行冠曩時

耐冷譚卷九

五

豈獨觀天因井小田來見日爲山遲三千界內

金銀化八九胸中芥蒂遺除却存誠更何事恩

波全沐聖人慈尙書視學吾浙中正和平嘗

書一聯懸于校文之室云爾無文字休言命我

有兒孫要讀書去後杭人尸祝之今猶俎豆弗

替焉

先府君晚歲持齋戒殺尤喜放生嘗作一箴揭之

廚下云不能茹齋但當戒殺我欲長生物亦求

活市脯入廚終經斷割盍并禁之食自死物如

腿醜雞放生尤要魚鰕鱖鼈錢省命多力可不
之類。竭聖心。佛心同。此惻怛苦口告之。休嫌強聒。

吾郡西湖書院。歷有名師。造就人才不少。予昔監
院時。適逢王蘭泉少寇。孫淵如觀察。段茂堂明
府。邵瑤圃陳恭甫兩太史。迭主講席。諸生旣霞
蔚雲蒸。予亦深受琢磨之益。最後得顧太守星
橋。而予已銜恤家居矣。太守爲歸愚宗伯入室
弟子。主持壇坫。垂五六十年。一見予卽握手相
謂曰。浙人之詩。喜從蘇黃楊陸八門。江南呼爲

耐冷譚卷九

六

浙派。子之先人以古學振起宗風。雖無竹垞之
才。其體格已在竹垞之上矣。汝爲名父之子。其
益勉之。予深感其言。太守月滿詩樓集。久已傳
誦海內。錄存四篇。明知無當于選擇。欲爲後學
畧示津梁耳。圓覺寺尋墨隱。上人不遇云。落日
澹山光。疎林涵夕霽。山行不厭深。隨趣得所憩。
蒼松護精廬。隱隱出岩際。遂叩白雲關。孤想託
微契。空影禮高僧。無由證妙諦。修竹動清風。疎
花落幽砌。客到竟忘言。冷然悟塵世。西巖圓月

生歸途引遙聯。徐州懷古云。沛豐千里控江淮。
百戰功名付草萊。漢帝斬蛇空大澤。項王戲馬
失高臺。山連芒碭寒雲合。水浸彭城濁浪開。此
夕悲歌憐往事。銷沉王業有餘哀。天隨別墅云。
菰煙蘆雪裏。中有散人居。荷鋤田皆水。持盃菊
當蔬。松陵編雅什。笠澤著叢書。苦謝人間役。清
風獨灑如。殺虎行并序云。元濱州渤海縣兵劉
平。赴棗陽戍。妻胡氏從行。平爲虎擒。胡氏殺虎
爭夫。時皆義之。近友人有持卷索題者。爲賦是

耐冷譚卷九

七

篇。夫遠戍。妾從行。腰間械。械弓刀。嗚吹茄。雲裂
心魂驚。忽然腥氣起。空谷於菟一。嘯奔平麓。夫
爲虎逼。夫瀕危。赤手搏虎。控虎腹。關山色。死天
爲愁神。號鬼泣。風雨秋。濺血爭。夫不獲命。苦心
莫雪。人間讐。吁嗟乎。千古義勇。有如此。泰山哀
哭。徒爲爾。獨怪從軍號。丈夫不能一射。北平矢
義勇。乃出一女子。

同里姚生隱壺

壩伯

遊星橋太守之門。太守稱爲

後來之秀。惜困于人事。近復以醫濟人。未能竟

其所業。然其韻。梧山房夢。詩筆清麗。已可與時
賢爭一席矣。寄遠云。一燈殘。夢落寒潮。又繞揚
州。廿四橋。二十六陂。春水長。不知何處釣船高。
泊甘墩。邨云。薄暮碧溪上。扁舟歸路遙。鷺移秋
水。岸僧醉夕陽。橋訪舊思攜屐。看雲或住。燒春
來。千萬樹。何處最魂消。題吳山吟館壁云。此處
卜棲遲。偏於野客宜。鐘聲鄰寺近。颿影隔江移。
積雨鼓松蓋。繁花補竹籬。偶然來此坐。湖海有
心期。

耐冷譚卷九

六

越船上人居烏堆之倩徑寺。長于詩。性極慷慨。醫
理尤精。僕集中有懷上人詩云。詩理同醫理。多
須手腕靈。放歌爭似白。拯苦特垂青。廉立敦儒
行。逍遙作客星。耽吟亦餘事。只願衆延齡。蓋紀
其實也。雨後晚眺云。晚來微雨歇。及此更空蒼。
初月上林杪。歸鴉度夕陽。清冷臨極浦。垂釣倚
滄浪。漠漠寒煙外。汀州一野航。和韻過唐氏廢
園云。前輩風流地。迴環路轉深。垣頽延蔓草。山
翠覆蘿陰。觴咏人疑昔。荒涼迹自今。尙餘曲池

水一碧洗塵襟。蒼吳行叔云。結廬溪水上。容膝頗安適。時有落花飛。覆彼松間石。修竹三五竿。虛幌清陰積。恰值雨初晴。西園開講席。夕陽挂樹杪。伊人一溪隔。可望不可卽。菰蒲影。涵碧。

家金庭

景蘇

先生籍隸吳江。官丹徒司訓。工吟詠。

有聞川權歌百首。土風古蹟。搜訪殆盡。歸愚尙書爲之序。其淑配戴素蟾。哲嗣承瓏。女公子貞琇。貞珮。貞球。貞琬。皆和之。一門風雅。罕有其匹。貞球題碧窗女史琴韻樓詩後云。題壁清風重。

耐冷譚卷九

九

妙端。碧窗詩骨也。珊珊落花漫道。渾如夢寫到。秋江影亦寒。貞琬題云。春色桃花秋海棠。夏蓮心苦怨銀塘。一樓霜月晶簾捲。總爲清吟易斷腸。婉麗可諷。

秀水計廣文

楠

壽喬其號。甫草後人也。工詩擅畫。

精醫理。著述甚富。家有一隅草堂。遍購名卉植

之。牡丹多至一百餘種。花發時霞堆錦簇。令人

目炫。四方名流過訪。嘗觴詠其中。其論詩曰。一

朝自有一朝之詩。一人自有一人之性情。何必

追慕漢魏分。唐別宋耶。故其詩清麗爽達絕無
町畦之迹。近教授嚴州。作富春遊草。情閒境適。
詩逾澹逸。晚泊桐廬云。小邑無城郭。晚晴紅夕
曛。灘聲七里壯。山色一帆分。江艇迎歸市。人家
隱暮雲。蒼茫煙樹裏。何處問桐君。嚴陵瀨云。卓
哉嚴先生。高臥春江漲。春潮魚正肥。垂綸坐臺
上。中懷稷契才。心獨夷齊尚。上有堯舜君。江山
可放浪。一枕忘君臣。一竿忘將相。千古瀨潺湲。
日月光天壤。玉泉寺云。泉流潔似玉。巖隙叩松

耐冷譚卷九

三

關有句先題竹。無人只看山。樵隨青峴上。僧帶
白雲還。茶罷嘗蔬筍。心閒境亦閒。

壽喬女孫

琛

字小娥。古杉孫君女弟子也。詩極清

新。題施少峯丈涉江采芙蓉圖云。迷離蜀錦落
船窗。一段風華思未降。是處采菱歌已罷。秋花
無限繞秋江。華光豔豔水淙淙。雙槳伊啞隔

幾重。江上人來渺何處。夕陽影裏采芙蓉。草堂

秋夜送別古杉夫子回桐溪云。夜夜挑鐙話短
更尊前。忽起別離情。荒雞太覺無聊頓。不爲行

人。緩。一。聲。雖云小別亦茫然。此去休教望眼
穿。明夜獨來草堂裏。蟲聲如雨。月如煙。小娥又
工畫。筆法秀雅。真閨秀中之出羣才也。



